



COMUNU DE SIDDI

Provìntzia de su Campidanu de Mesu

CÒPIA DE DELIBERATZIONI DE SA GIUNTA

**Ogetu: PAGAMENTU DE IS FATURAS DE S'IMÒBILI COMUNALI
"CASA PUDDU" VICO CAGLIARI 3 – SIDDI – MANERAS.**

Nùmeru 105 de su 29-11-2013

In s'annu **duamilla-trèixi su bintinoi** de su **mesi de donniasantu**, a is 13.00, in sa seu de su Comunu, cunvochendi-dda su Sìndigu, s'est atobiada sa GIUNTA COMUNALI cun s'interbentu de:

Tzerriendi-ddus arresurtat chi:

PUDDU STEFANO	SÌNDIGU	Eja
PILO CARMELA	ASSESSORI	No
BOI NELSON	ASSESSORI	Eja
TUVERI FAUSTO	ASSESSORI	Eja
PILLONI DANIELA	ASSESSORI	Eja

Presentis n. 4 e assentis n. 1.

Nc'est Su Secretàriu Comunali LIORI Dr. SEBASTIANO chi scriit custu verbali.

Biu chi nc'est su nùmeru legali de is interbènnius, pigat sa presidèntzia Dot. Stefano Puddu in calidadi de Sìndigu, e esponit ia ogetus assentaus in s'òrdini de sa dii.

SA GIUNTA MUNICIPALI

Arremonaus is de innantis:

– 3 àutu G.M. n.54 de su 27 de su mesi de Argiolas 2010, at donau in comodau a indonu a sa Fondazione Accademia Casa Puddu de Siddi s'imòbili comunali nau “Casa Puddu” chi est in Siddi in Vico Cagliari 3;

– àutu G.M. n.56 de su 27 de su mesi de argiolas de su 2013 at autorisau sa Fondazione Accademia Casa Puddu de pigai s'imòbili cun fueddu a sa sienda Duero S.r.l.;

Cunsiderau chi custu imòbili tenit un'imprantu fotovoltaicu chi in prus a fai cuncàmbia in su logu produsit un'incentivu po su Comune de Siddi, duncas, no fait a fai una voltura de s'utèntzia Enel a sa sienda Duero S.r.l.;

Biu chi arrechedit stabilessi is maneras de pagai is faturas apitzu de s'utèntzia Enel de Casa Puddu chi ant a depi, duncas, essi pagadas de su Comune de Siddi acoitendi su dinai sa Sienda Duero S.r.l.;

ACHIRIUS is parris favorèvolis de s'art 49 de su D.Lgs 267/2000;

CUN votus a totòmini e de manera aberta;

DELÌBERAT

Po is arrexonis de pitzus

De stabilessi sa pagamenta de is faturas de s'utèntzia Enel apitzu de s'imòbili comunali Casa Puddu, chi imoi dda tenit a pesoni sa sienda Duero S.r.l., ddas paghit su Comune de Siddi – Serbìtziu AA.GG. acoitendi sa suma sa Sienda Duero S.r.l.;

De mandai una còpia de custa a sa sienda Duero S.r.l. e a su serbìtziu AA.GG. po is provedimentus chi ndi benint;

Custu verbali agoa chi ddu ant lìgiu, ddu ant aprovau e firmau cunforma a sa lei.

Su Sìndigu
F.au Dot. Stefano Puddu

Su Secretàriu Comunali
F.au Dot. Sebastiano Liori

CERTIFICAU DE PUBLICATZIONI

Agoa de s'arrelata cunforma a sa lei de su missu comunali, certificaus chi custu verbali ddu ant postu in s'Albu Pretòriu de su Comune po 15 diis de s'ighia, cunforma e po is efetus de s'art. 124 – coma I de su DLGS 267/2000.

Siddi, su 03/12/2013

Su Secretàriu Comunali
F.au Dot. Sebastiano Liori

PARRI DE ARREGULARIDADI TÈNNICA

- Serbìtziu Aministrativu e Afàrius Generalis
- Serbìtziu Personali
- Serbìtziu Culturali, Stùdiu e Sport
- Serbìtziu Tènnicu
- Serbìtziu Sòtziu - Assistenziali
- Serbìtziu Finantziàriu e Tributàriu

S'Arresponsàbili de su Serbìtziu
F.au Giorgio Pau

PARRI DE ARREGULARIDADI CONTÀBILI ART. 49 D. LGS 267/2000

S'Arresponsàbili de su Serbìtziu

F.au Dot. Maria Ariu

CERTIFICAUC DE ESECUTIVIDADADI

Certificaus chi custa deliberatzioni dda ant publicada cunforma a sa lei in s'Albu Pretòriu.

- Est bessia esecutiva ca ddu ant publicau intra de is làcanas de sa lei

Su

Su Secretàriu Comunali
F.au Dot. Sebastiano Liori

Custa còpia est cunforma a s'originali

Siddi, su 12/06/2013

Su Secretàriu Comunali
Dot. Sebastiano Liori